

周禮爲周公致太平之書而前人多從而議之然考其本
末自有條理五官布置精密必非俗儒所能僞爲

司空所

掌固不止考工一事而其官旣比於古之共工後人必欲
割裂五官之羨或雜引他書以補其闕固不如徑以記篇
當之爲得矣特是書所可疑者亦自有之公孤之職未著
於篇他經所陳有確爲周之官職而與是書異名者豈詳
其細而顧畧其大歟抑公孤本六卿所兼故畧之歟豈一
官間有二名歟抑名本無二而他經別有所據歟余嚮次
夏商以前官制業定一編繼而從事於斯竊謂冬官名爲
司空旣無可疑自不必列書稱冢宰之卽太宰春秋稱宰
周官參證

序

之或疑太宰或疑宰夫禮記之胞卽庖人輝卽韠人要皆
周官所具更不容論其餘凡他經所稱或是書不備備焉
而異其名者悉爲錄之計共一百四十餘職次第仍據周
官分爲二卷自六經論語外不敢泛引惟國語爲春秋外
篇汲冢古文雖不知真僞其稱名總屬可證故併及之至
左氏所稱列國官名或非其舊當別有編不以闕入非謂
有補周官之學也聊資參互考證云爾道光歲在丙申二
月上旬太倉王寶仁自序於六安學署東齋

周官參證卷上

太倉王寶仁輯



太師

太傅

太保

少師

少傅

少保

書周官立太師太傅太保茲惟三公少師少傅少保曰

三孤

周官參證

卷上

書顧命乃同名太保奭芮伯彤伯畢公衛侯毛公師氏
虎臣百尹御事孔傳太保畢毛稱公則三公矣此先後
六卿次第冢宰第一名公領之司徒第二芮伯爲之宗
伯第三彤伯爲之司馬第四畢公領之司寇第五衛侯
爲之司空第六毛公領之名芮彤畢衛毛皆國名入爲
天子公卿師氏大夫官虎臣虎賁百尹百官之長及諸
御治事者

詩節南山赫赫師尹毛傳師太師周之三公也

詩大明維師尙父毛傳師太師也寶仁案史記齊世家
周西伯獵遇太公於渭之陽號之曰太公望載與俱歸

立爲師

詩常武太師皇父

左莊十九年傅子頽有寵爲國爲之師又昭十二年傅殺獻太子之傅庾皮之子過杜注過劉獻公太子之傅禮記文王世子凡三王教世子立太傅少傅以養之寶仁案三公亦謂之三吏左成二年傅王使委于三吏杜注三吏三公也疏云曲禮云五官之長曰伯其擯于天子也曰天子之吏鄭云謂三公也是三公稱吏

師

保

周官參證

卷上

疑

丞

禮記文王世子記曰虞夏商周有師保有疑丞設四輔及三公不必備惟其人語使能也

圻父

農父

宏父

書酒誥矧惟若疇圻父薄違農父若保宏父孔傳以父字斷句云圻父司馬農父司徒宏父司空

詩祈父祈父予王之爪牙毛傳祈父司馬也職掌封圻

之兵甲

左昭十二年傳祭公謀父作祈招之詩杜注祭父周卿也祈父周司馬世掌甲兵之職

寶仁案圻祈字通周六卿有司馬司徒司空而此云圻父農父宏父者或一職而有二名也

太尉

理

禮記月令孟夏之月命太尉贊傑俊遂賢良舉長大注三王之官有司馬無太尉秦官則有太尉又孟秋之月命理瞻傷祭創視折注理治獄官也有虞氏曰士夏曰

周官參證

卷上

大理周曰大司寇

寶仁案周六卿有司馬司寇而此云太尉及理鄭故謂非周制然賈逵馬融之徒皆云月令周公所作今姑列之或亦是一職而異其名也

卿士

詩十月之交皇父卿士

左隱三年傳鄭武公莊公爲平王卿士隱八年傳號公

忌父始作卿士于周隱九年傳鄭伯爲王左卿士

程氏廷祚

曰鄭伯爲左卿士則號公右卿士也襄十年傳單靖公爲卿士以相王室

寶仁案隱三年傳杜注卿士王卿之執政者至隱元年

祭伯隱七年凡伯桓五年虢公林父莊十六年周公忌父莊二十七年召伯廖僖十一年召武公僖二十八年尹氏王子虎支元年毛伯宣十五年王孫蘇召氏毛氏成元年單襄公成八年召桓公成十一年伯與昭十二年甘簡公劉獻公昭二十三年召伯奭南宮極哀十三年單平公杜注皆以爲周之卿士

周語厲王時榮公爲卿士諸侯不享韋注卿士卿之有事者

竹書紀年穆王十一年王命卿士祭公謀父

寶仁案卿士當卽三公六卿爲之然傳旣別立是名故

周官參證

卷上

四

據列於此

將帥

禮記月令孟秋之月天子乃命將帥選士厲兵簡練桀倭孟冬之月天子乃命將帥講武習射御角力

中軍

右軍

左軍

左桓五年傳王爲中軍虢公林父將右軍蔡人衛人屬焉周公黑肩將左軍陳人屬焉

官師

左襄十五年傳官師從單靖公逆王后于齊卿不行非禮也杜注官師劉夏也正義曰祭法云官師一廟鄭云官師中士下士也是天子官師非卿也

宰胥

儀禮大射儀宰胥薦脯醢注宰胥宰官之吏也

宮宰

禮記祭統先期旬有一日宮宰宿夫人夫人亦散齊七日致齊三日注宮宰守宮官也

司宮

儀禮燕禮司宮尊於東楹之西注司宮天子曰小宰聽

周官參證

卷上

五

酒人之成要者也疏云諸侯無小宰有司宮司宮掌宮事與小宰同又云司宮兼卷重席設於賓左東上又云宵則庶子執燭于阼階上司宮執燭于西階上又大射儀卒畫自北階下司宮埽所畫物自北階下又公食大夫禮司宮具几與蒲筵常緇布純加萑席尋彛帛純皆卷自末注司宮太宰之屬掌宮廟者也疏云太宰之下有宮人卽此司宮又少牢饋食禮司宮概豆邊勺爵觚解几洗篚于東堂下注大夫攝官司宮兼掌祭器也又云司宮尊兩甌于房戶之間又云司宮設鬯水于洗東有料設篚于洗西南肆又云司宮筵于奧又云司宮取

二勺于篚洗之又有司徹云司宮攝酒又云司宮筵于戶西南面

寶仁案儀禮所稱司宮或繫諸侯或繫大夫然賈公彥既以周禮小宰當諸侯之司宮又云太宰之下有宮人卽此司宮說亦不定其實天子應亦別有此官也

膳宰

儀禮燕禮膳宰請羞於諸公卿者疏云周禮膳夫是上士此諸侯膳宰明非上士也寶仁案請羞句又見大射儀

禮記文王世子食下問所膳命膳宰曰未有原又云若

周官參證

卷上

六

公與族燕則異姓爲賓膳宰爲主人公與父兄齒族食世降一等又玉藻膳於君有葷桃茆於大夫去茆於士去葷皆造於膳宰

周語單襄公引周之秩官曰敵國賓至膳宰致饗韋注秩官周常官篇名

大戴禮保傅篇太子有過史之義不得不書不書過則死過書而宰徹去膳夫膳宰之義不得不徹膳不徹膳則死

雍正

雍府

雍人

旅人

儀禮特牲饋食禮宗人視牲告充雍正作豕又少牢饋食禮鼎序入雍正執一七以從雍府執四七以從寶仁案有司徹語同少牢饋食

儀禮公食大夫禮雍人以俎入陳于鼎南旅人南面加七于鼎退注旅人雍人之屬旅食者也又旅人取七甸人舉鼎又特牲饋食少牢饋食及有司徹雍人屢見禮記喪大記君喪虞人出木角狄人出壺雍人出鼎司馬縣之乃官代哭

周官參證

卷上

七

甸人

儀禮燕禮甸人執大燭于庭注甸人掌共薪蒸者又公食大夫禮羹定甸人陳鼎七當門南面西上設扃冪冪若束若編注甸人冢宰之屬兼亨人者疏云天子有甸師氏兼有亨人彼天子禮諸侯比天子爲兼官故甸人兼亨人也又云甸人舉鼎又士喪禮甸人掘坎於階間少西爲塗于西牆下東鄉注甸人有司主田野者疏云周禮甸師其徒三百人掌帥其屬而耕耨王籍是掌田野士雖無此官亦有掌田野之人謂之甸人又云甸人置重于中庭又旣夕云甸人抗重出自道道左倚之又

云甸人築圻坎

禮記文王世子公族其有死罪則磬于甸人其刑罪則

織剝亦告

注讀爲鞠

于甸人掌郊野之官又喪大記

甸人爲塋于西牆下又云甸人取所徹廟之西北扉薪用爨之

周語引周之秩官曰敵國賓至虞人入材甸人積薪

大酋

禮記月令仲冬之月乃命大酋秬秠必齊麴蘖必時湛熾必潔水泉必香陶器必良火齊必得兼用六物大酋監之毋有差貸注酒熟曰酋大酋者酒官之長也於周

周官參證

卷上

八

則爲酒人

奄尹

禮記月令仲冬之月命奄尹申宮令注奄尹主領奄監之官也於周則爲內宰

巷伯

詩小序巷伯刺幽王也寺人傷於讒故作是詩也鄭箋巷伯奄官寺人內小臣也

外御

儀禮士喪禮外御受沐入注外御小臣侍從者

內御

儀禮既夕其母之喪則內御者浴髻無笄注內御女御也

九御

周語內官不過九御外官不過九品韋注九御九嬪魯語天子日入監九御使潔奉禘郊之粢盛韋注九御九嬪之官主粢盛祭服者

州伯

州史

閭史

禮記內則夫告宰名宰辯告諸男名書曰某年某月某

周官參證

卷上

九

日某生而藏之宰告閭史閭史書爲二其一藏諸閭府其一獻諸州史州史獻諸州伯州伯命藏諸州府

鉦人

詩采芑鉦人伐鼓毛傳鉦以靜之鼓以動之鄭箋鉦也鼓也各有人焉言鉦人伐鼓互言爾

職人

周禮地官牛人凡祭祀共其享牛求牛以授職人而芻之注職讀爲穢穢謂之牝可以繫牛穢人者謂牧人充人與疏云凡官皆有職直云職人無所指斥但職穢聲相近誤爲職故讀從穢充人置穢入地之時穢穢然作

聲故以聲名其官也與疑辭疑之者凡牲堪祭祀者則牛人選入牧人臨祭之前牧人乃授充人充人乃繫養之今若卽以職人爲充人則隔牧人故連牧人而言之明先至牧人乃至充人經據後而言之耳又春官肆師大祭祀展犧牲繫于牢頒于職人注此職人謂充人及監門人疏云案充人云祀五帝繫于牢芻之三月凡散祭祀之牲繫于國門使養之故知犧人是此二官也此有監門人者謂兼祭諸神司中之等

寶仁案辛紹業冬官旁求據史記孔子世家嘗爲司職吏而畜蕃息謂案此則職不必改字

周官參證

卷上

十

縣大夫

左昭九年傳周甘人與晉閻嘉爭閻田王使賓滑執甘大夫襄以說于晉疏云典邑大夫法當以邑名冠之而稱人甘人是甘縣大夫

縣人

左昭三年傳論藏冰之道山人取之縣人傳之杜注山人虞官縣人遂屬

勤人

正長

逸周書大聚解立勤人以職孤立正長以順幼立職喪

以卹死立大葬以正同

司商

周語夫古者不料民而知其多少司民協孤終司商協名姓司徒協旅司寇協姦牧協職工協革場協入廩協出是則少多死生出入往來者皆可也韋注司商掌賜族受姓之官商金聲清謂人始生吹律合之定其姓名

大司成

禮記文王世子凡祭與養老乞言合語之禮皆小樂正詔之於東序大樂正學舞于成語說命乞言皆大樂正授數大司成論說在東序注謂大司成司徒之屬師氏也

周官參證

卷上

十一

稷

周語稷爲大官韋注民之大事在農故稷之職爲大官

農大夫

農正

農師

農

田峻

田

嗇夫

周語王乃使司徒咸戒公卿百吏庶民司空除壇於籍命農大夫咸戒農用章注農大夫田峻也又農正陳籍禮章注農正田大夫又乃命其旅曰徇農師一之農正再之章注一之先往也農師上士農正后稷之佐田峻也故次農師

禮記月令季冬之月命農計耦耕事修耒耜具田器疏以農爲典農之官又郊特牲饗農注農田峻也

詩七月田峻至喜毛傳田峻田大夫也疏云此官選俊人主田故謂之田峻又甫田田峻至喜鄭箋田峻司嗇

周官參證

卷上

十二

今之嗇夫也疏云田峻田官在田司主稼穡故謂司嗇漢世亦有此官謂之嗇夫

周禮籥章凡國祈年于田祖歛幽雅擊土鼓以樂田峻注鄭司農云田峻古之先教田者爾雅曰峻農夫也

禮記月令孟春之月命田舍東郊皆修封疆審端徑術注田謂田峻主農之官也

儀禮覲禮嗇夫承命告于天子注嗇夫蓋司空之屬也爲未擯承命于侯氏下介傳而上上擯以告于天子疏云五官之內無嗇夫之名故知是司空之屬但司空職亡故言蓋以疑之寶仁案此以五官無名鄭故疑爲司

空之屬然漢書百官公卿表云十亭一鄉鄉有嗇夫職聽訟收賦稅又風俗通云嗇者省也夫賦也言消息百姓均其役賦且旣名之爲嗇宜亦兼主穡事則詩甫田箋以况田畷爲合至夏書嗇夫馳孔傳又以爲主幣之官

郵

禮記郊特牲饗農及郵表畷注郵表畷謂田畷所以督約百姓於井田之處也詩云爲下國畷郵疏云郵若郵亭屋宇處所表田畔畷者謂井畔相連畷所引詩者齊

魯韓詩也

周官參證

卷上

三

孟子孔子曰德之流行速於置郵而傳命疏云郵駟名

云竟上舍也又云官名督郵主諸縣罰負

案督郵爲後漢所設

寶仁案辛紹業云古人於田畔及國竟皆立郵舍設官以涖之因以爲名其職本以分別畛域巡行民稼因而傳命往來皆使其徒掌之其說良是

賈人

儀禮聘禮賈人西面坐啓櫝取圭垂纁不起而授宰注賈人在官知物賈者

關人

儀禮聘禮及竟張壇誓乃謁關人關人問從者幾人以

介對

關尹

周語周之秩官有之曰敵國賓至關尹以告韋注關尹

司關

門尹

周語又引周之秩官門尹除門韋注門尹司門也

津人

左昭二十四年傳王子朝用成周之寶珪于河津人得諸河上寶仁案津人當是掌津梁之官

里尹

周官參證

卷上

古

禮記雜記姑姑姊妹其夫死而夫黨無兄弟使夫之族人主喪妻之黨雖親弗主夫若無族矣則前後家東西家無有則里尹主之注里尹閭胥里宰之屬王度記曰百戶爲里里一尹其祿如庶人在官者

司里

周語引夏令曰九月除道十月成梁其時儆曰收而場功待而畚揭營室之中土功其始火之初見期於司里韋注夏后氏之令周所因也又引周之秩官曰敵國賓至司里授館

四監

禮記月令季夏之月命四監大合百縣之秩芻以養犧牲注四監主山林川澤之官今月令四作田又季冬之月乃命四監收秩薪柴以共郊廟及百祀之薪燎

虞人

左襄四年傳昔周辛甲之爲太史也命百官箴王闕於虞人之箴曰芒芒禹跡畫爲九州經啓九道民有寢廟獸有茂草各有攸處德用不擾在帝夷羿冒于原獸亡其家恤而思其應牡武不可重用不恢于夏家獸臣司原敢告僕夫杜注虞人掌田獵

禮記檀弓天子崩虞人致百祀之木可以爲棺槨者斬

周官參證

卷上

五

之又喪大記復有林麓則虞人設階無林麓則狄人設階注復招魂復魂也又云君喪虞人出木角注木給爨竈角以爲斛水斗

周語引周之秩官曰敵國賓至虞人入材

野虞

禮記月令季春之月命野虞毋伐桑柘注野虞謂主田及山林之官又孟夏之月命野虞出行田原爲天子勞農勸民毋或失時

獸虞

水虞

魯語宣公夏濫於泗淵里革斷其罟而棄之曰古者大寒降土蟄發水虞於是乎講眾罾取名魚登川禽而嘗之寢廟行諸國人助宣氣也鳥獸孕水蟲成獸虞於是乎禁罝羅措魚鼈以爲夏禘助生阜也鳥獸成水蟲孕水虞於是乎禁罝麗設罝鄂以實廟庖畜功用也韋注水虞漁師也獸虞掌鳥獸之禁令寶仁案此引古當是周制

山人

左昭四年傳申豐論藏冰之道山人取之縣人傳之杜

周官參證

卷上

六

注山人虞官

澤人

禮記月令季夏之月命澤人納材葦

漁師

禮記月令季夏之月命漁師伐蛟取鼈登龜取鼃注今

月令漁師爲榜人寶仁案鄭稱今月令者皆明堂月令

說文舟部引明堂月令舫人當卽此張揖上林賦注引

月令命榜人而淮南子於漁師作漁人至下文命澤人

納材葦則作命滂人入材葦

又月令孟冬之月乃命水虞漁師收水泉池澤之賦又

季冬之月命漁師始漁天子親往乃嘗魚先薦寢廟

舟牧

禮記月令季春之月命舟牧覆舟五覆五反乃告舟備具于天子焉注舟牧主舟之官也

舟人

詩大東舟人之子毛傳舟人舟楫之人

蒼兕

史記齊世家師行師尚父誓曰蒼兕蒼兕總爾衆庶與爾舟楫後至者斬索隱曰本或作蒼雉馬融曰蒼兕主舟楫官名又王充云蒼兕水獸九頭今誓衆令急濟故

周官參證

卷上

七

言蒼兕以懼之寶仁案臧琳經義雜記引郭氏山海經序曰鈞天之庭豈伶人之所躡無航之津豈蒼兕之所涉蒼兕與伶人相對是郭氏亦同馬說謂無涯之水非世間主舟楫官所能涉也蓋蒼兕本水獸善覆舟故此名官欲使居是官者盡其職常以蒼兕爲警也論衡是應篇云尙父威衆欲令急渡不急渡蒼兕害汝失呼而令之之旨矣

周官參證卷下

太倉王寶仁輯

大宗人

小宗人

禮記雜記大夫之喪大宗人相小宗人命龜疏云大宗人謂大宗伯小宗人謂小宗伯皇氏云大小二宗並是其君之職來爲喪事

太宗

少宗

禮記曾子問君薨而世子生三日太宰太宗太祝皆裨

周官參證

卷下

冕少師奉子以衰祝先子從宰宗人從已葬而世子生

太宰太宗從太祝而告于禴

逸周書嘗麥解惟四年孟夏王初祈禱於宗廟乃嘗麥於太祖是月王命大正正刑書爽明僕告既駕少祝導王亞祝迎王降階卽假於太宗少宗少祕於社各牡羊一牡豕三史導王於北階王陟階在東序乃命太史尙大正卽居於戶西南向九州口伯咸進在中西向宰乃承王中升自客階作筴執筴從中宰坐尊中於大正之前太祝以王命作筴筴告太宗王命口口祕作筴許諾乃北向繇書於內楹之門

彌宗

逸周書王會解昨階之南祝淮氏榮氏次之皆西南彌宗旁之注彌宗官名

宗人

儀禮士冠禮宗人告事畢注宗人有司主禮者也疏云士雖無臣亦有宗人掌禮比於宗伯

儀禮聘禮記宗人授次次以帷少退于君之次

儀禮士喪禮族長淪卜及宗人吉服立于門西東面南上占者三人在其南北上下人及執燹席者在塾西疏宗人掌禮之官非卜筮者周禮有卜師寶仁案士虞禮

周官參證

卷下

二

及特牲饋食禮少牢饋食禮有司徹篇宗人屢見

見禮記曾子問詳太宗註

禮記文王世子其在宗廟之中則如外朝之位宗人授事以爵以官

主祠

禮記月令季秋之月命主祠祭禽于四方疏云主祠謂典祭祀者也

宗祀

逸周書克殷解乃命宗祀崇賓饗禱之於軍注宗祀主祀賓敬也饗祭前所禱之神

犧人

周語叙藉田之禮曰及期鬱人薦鬯犧人薦醴韋注犧人司尊也

大葬

逸周書大聚解立職喪以卹死立大葬以正同

大樂正

小樂正

樂正

左右正

儀禮鄉飲酒禮樂正先立于西階東疏云周禮有大司樂樂師天子之官此樂正者諸侯及大夫士之官當

周官參證

卷下

三

天子大司樂又鄉射禮燕禮大射儀樂正屢見燕禮注樂正於天子樂師也疏云諸侯樂正亦有大小之名故大射云小樂正從之鄭注云小樂正於天子樂師也是其諸侯樂正雖有大小當天子樂師知大樂正不當天子大司樂者以其天子大司樂不告樂備故不得以大樂正當之但大射主於射畧於樂故小樂正告樂備此燕主歡心故大樂正告樂備

儀禮燕禮主人洗升自西階獻庶子于阼階上如獻士之禮辯降洗遂獻左右正與內小臣皆于阼階上如獻庶子之禮注左右正謂樂正僕人正也

禮記王制樂正崇四術立四敎注樂正樂官之長掌國
子之敎又云大樂正大司寇市三官以其成從質於天
子又月命孟春之月命樂正入學習舞仲春之月上丁
命樂正習舞釋菜仲丁命樂正入學習樂季秋之月上
丁命樂正入學習吹又文王世子小樂正學于大胥贊
之又云凡祭與養老乞言合語之禮皆小樂正詔之于
東序大樂正學舞于咸語說命乞言皆大樂正授數

少師

儀禮大射儀僕人正相太師僕人師相少師注太師少
師工之長也凡國之瞽矇正焉

周官參證

卷下

四

泠

左昭二十一年傳天王將鑄無射泠州鳩曰王其以心
疾死乎杜注泠樂官寶仁案又見周語韋注泠司樂官
又泠人韋注樂人也

亞飯

三飯

四飯

鼓或卽
鼓人

播鼗

琴磬

論語太師摯適齊亞飯干適楚三飯繅適蔡四飯缺適秦鼓方叔入於河播鼗武入於漢少師陽擊磬襄入於海太師見周禮少師見前其亞飯諸職余以古官制攷曾據班固之說不宜復列於此既思古今人表置此數人於殷周間而禮樂志及董仲舒傳顏師古因引論語註之其實恐緣史記紂將亡太師疵少師彊抱其樂器奔周而誤也今案漢儒諸家說每異同論語如殷三仁經孔子論定故列篇中此數人止記其或適或入其爲當日時事可知孔安國謂魯哀公時人鄭康成謂周平王時人當以孔說爲正也白虎通云王者平居中央制

周官參證

卷下

五

籥師丞

禮記文王世子籥師學戈籥師丞贊之疏云周禮惟有籥師此云籥師丞者或諸侯之禮或異代之法

籥人

逸周書世俘解辛亥薦俘殷王鼎武王乃翼矢珪矢憲告天宗上帝王不革服格於廟秉語治庶國籥人九終

王烈祖自太王王季虞公文王邑考以列升惟告殷罪
又云籥人奏武又云籥人奏崇禹生開

狄人翟

書顧命狄設黼辰綴衣傳狄下士

禮記喪大記復有林麓則虞人設階無林麓則狄人設
階注狄人樂吏之賤者階梯也龔虛之類又云君喪狄
人出壺

禮記祭統翟者樂吏之賤者也注翟謂教羽舞者也疏
云翟卽狄也古字通用

卜正

周官參證

卷下

六

左隱十一年傳滕侯曰我周之卜正也杜注卜正卜官
之長疏云周禮春官太卜下大夫二人其下有卜師卜
人龜人筮人太卜爲之長正訓長也故謂之卜正寶仁
案周禮有卜人而闕其職禮記雜記大夫之喪卜人作

龜

卜士

禮記內則國君世子生告于君接以太牢宰掌具三日
卜士負之

卦者

儀禮少牢饋食禮乃釋贛立筮卦者在左坐卦以木卒

筮乃書卦于木示主人乃退占注卦者史之屬也

太人

詩斯干及無羊太人占之鄭箋以太人爲占夢之官

左史

右史

禮記玉藻動則左史書之言則右史書之注其書春秋尚書具存者疏云春秋是動作之事故以春秋當左史所書左陽陽主動故記動尚書記言語之事故以尚書當右史所書右是陰陰主靜故也周禮有五史有內史外史太史小史御史無左史右史之名又疏據熊氏引周禮左傳等語謂太史在君左廂記事則太史爲左史內史所掌在君之右故爲右史又引鄭注酒誥云太史內史掌記言記行謂是內史記言太史記行也

逸周書史記解維正月王在成周昧爽召三公左史戎夫曰今夕朕寤遂事驚子乃取遂事之要戒俾戎夫言之朔望以聞寶仁案漢書古今人表作右史戎夫此王是穆王竹書紀年穆王二十四年王命左史戎夫作記則玉藻疏云春秋之時特置左右史官者非也

柱下史

史記老子列傳老子者姓李氏名耳字伯陽諡曰聃周

周官參證

卷下

七

守藏室之史也索隱曰按藏室史乃周藏書室之史也
又張湯傳老子爲柱下史卽藏室之柱下因以爲官名
莊子釋文引世本云彭祖姓籛名鏗在商爲守藏史在
周爲柱下史

祝史

儀禮大射儀祝史小臣師亦就其位而薦之

禮記曾子問君薨而世子生太宰命祝史以名徧告于

五祀山川

夏祝

商祝

周官參證

卷下

八

儀禮士喪禮祝淅米于堂南面祝盛米于敦注祝夏祝
也又云主人入卽位商祝襲祭服祿衣次注商祝祝習
商禮者疏云雖同是周祝仰習夏禮則曰夏祝仰習商
禮則曰商祝也又云夏祝鬻餘飯用二鬲于西牆下注
夏祝祝習夏禮者也又旣夕云商祝免袒執功布入商
祝拂柩用功布商祝飾柩商祝御柩又云夏祝淅米差
盛之夏祝徹餘飯

少祝

亞祝

少祕

見逸周書魯麥解詳太宗少宗下

司載

魯語天子少采夕月與太史司載糾虔天刑韋注載天文也司天文謂馮相氏保章氏與太史相儷偶也

日官

左桓十七年傳天子有日官日官居卿以底日禮也杜注日官天子掌曆者不在六卿之職而位從卿疏據周禮謂天子掌曆者太史寶仁案太史疏引服氏左傳注云日官典曆數者也居卿者使卿居其官以主之重曆數也

周官參證

卷下

九

司馬正

司馬師

儀禮大射儀司馬師命負侯者執旌以負侯注司馬師正之佐也又云司馬正適次注司馬正政官之屬疏云司馬正非大司馬天子有大司馬卿一人小司馬中大夫二人此雖諸侯禮亦廡有小司馬號爲司馬正也又下文司馬正屢見

大射正

小射正

射正

司射

儀禮燕禮若射則大射正爲司射如鄉射之禮注大射正射人之長者也又大射儀公降立于阼階之東南南鄉小臣師詔揖諸公卿大夫諸公卿大夫西面北上揖大夫大夫皆少進大射正擯又云司射適次注司射射人也又云工人士與梓人升自北階兩楹之間疏數容弓若丹若墨度尺而午射正莅之注射正司射之長又云司射西面誓之司射命上射命下射司射入于次司射反位司射進與司馬正交于階前退反位

周官參證

卷下

十

大射儀又云小射正一人取公之決拾於東楫上一小射正授弓拂弓皆以俟于東堂疏云此經上下或云大射正或云司射或云小射正不同者今行射禮大射正一人爲上司射次之或云小射正若然大射正與司射各一人據其行事小射正不止一人而已此云小射正一人取公之決拾於東楫上下云小射正奉決拾以筥與此一人此又云小射正授弓與取決拾別則小射正二人也

又云公就物小射正奉決拾以筥大射正執弓皆以從於物又云司射反摺扑又云上射揖司射退反位

大羅氏

禮記郊特牲大羅氏天子之掌鳥獸者也諸侯貢屬焉
草笠而至尊野服也羅氏致鹿與女而詔客告也以戒
諸侯曰好田好女者亡其國

庶子正

庶子

儀禮燕禮主人洗升自西階獻庶子于阼階上又云皆
則庶子執燭于阼階又大射儀庶子設折俎注庶子司
馬之屬掌正六牲之體者也又云庶子正徹公俎降自
阼階以東

禮記文王世子庶子之正於公族者教之以孝弟睦友

周官參證

卷下

士

子愛明父子之義長幼之序注庶子司馬之屬疏引周
禮諸子又云庶子治之雖有三命不踰父兄又云公若
有出疆之政庶子以公族之無事者守於公宮

虎臣

書顧命乃同名太保奭芮伯彤伯畢公衛侯毛公師氏
虎臣百尹御事孔傳虎臣虎賁

太僕正 大正

書冏命序穆王命伯冏爲周太僕正作冏命孔傳太僕
長太御中大夫疏云太御中大夫太僕下大夫孔以此
言太僕正則官高於太僕故以爲周禮太御也

同命今予命汝作大正疏云正長也作僕官之長

僕人正 左右正

僕人師

僕人士

儀禮燕禮遂獻左右正注左右正謂樂正僕人正又大射儀僕人正徒相太師僕人師少師僕人士相上工注徒空手也僕人正僕人之長師其佐也士其吏也天子視瞭相工諸侯兼官是以僕人掌之

綴衣

書立政王左右常伯常任準人綴衣虎賁又云虎賁綴

周官參證

卷下

十一

衣趨馬小尹孔傳綴衣掌衣服雖小官長必慎擇其人至顧命綴衣傳以爲幄帳豈掌衣服者兼掌帷幕之事故名之歟疏以爲卽太僕之官以周禮太僕掌正王之服位也今姑次於此

小臣正

小臣師

儀禮大射儀小臣師設楅又云小臣正贊袒公袒朱襦卒袒小臣正退俟于東堂又云小臣師以巾內拂矢而授矢于公又云小臣師亦就其位而薦之

御士

左僖二十四年傳太叔以狄師攻王王御士將禦之杜
曰周禮王之御士十二人疏云周禮無御士之官惟夏
官太僕之屬有御僕下士十二人掌王之燕令鄭彜云
燕居時之令以親近王故欲爲王禦寇

保介

詩臣工嗟嗟保介鄭箋保介車右也

禮記月令孟春天子親載耒耜措之于參保介之間

大正

逸周書嘗麥解惟四年孟夏王初祈禱于宗廟乃嘗麥

于太祖是月王命大正正刑書

周官參證

卷下

三

尉氏

左襄二十一年傳欒盈曰將歸死于尉氏杜注尉氏討
姦之官疏云周禮司寇之屬無尉氏之官蓋周室旣衰
官多改易於時有此官耳竇仁案孔氏亦是臆說顧棟
高春秋大事表與晉理齊士衛大士並列謂名旣各異
或位亦不同然俱爲刑官故並繫於此程廷祚春秋職
官考畧曰秦設廷尉本此

火師

水師

周語引周之秩官曰敵國賓至火師監燎水師監濯章

注火師司火燎庭燎也水師掌水監滌濯之事者竇仁
案周禮秋官有司烜氏凡國之大事共墳燭庭燎疏云
大事若大喪紀大賓客則皆設大燭在門外庭燎在大
寢之庭據此則火師宜屬秋官可知水師因賓至而監
視滌濯未稔何屬併附於此

行理

周語引周之秩官曰敵國賓至關尹以告行理以節逆
之韋注行理小行人

館人 管人

禮記檀弓孔子之衛遇舊館人之喪注前日君所使舍

周官參註

卷下

古

已

儀禮聘禮管人布幕于寢門外注管猶館也館人謂掌
次舍帷幕者布幕以承幣寢門外朝也

聘禮記管人爲客三日具沐五日具浴注管人掌客館
者也

儀禮士喪禮管人汲不說縞屈之祝泔米于堂南面用
盆管人盥階不升堂受潘煮于釜用重鬲竇仁案禮記
喪大記語畧同疏云管人主館舍者釋文管如字掌管
籥之人又古亂反掌管舍之人也

泰士

彌士

逸周書王會解中臺之外其右泰士臺右彌士注泰彌相儀之事也

寄

象

狄鞮

譯

禮記王制五方之民言語不通嗜欲不同達其志通其欲東方曰寄南方曰象西方曰狄鞮北方曰譯注鞮之言知也今冀部有言狄鞮者疏云達其志通其欲者謂

周官參證

卷下

五

帝王立此傳語之人曉達五方之志通傳五方之欲使相領解其通傳東方之語官謂之曰寄者言傳寄外內語言通傳南方語官謂之曰象者言放象外內之言其通傳西方語官謂之曰狄鞮者鞮知也謂通傳夷狄之語與中國相知其通傳北方語官謂之曰譯者譯陳也謂陳說外內之言

舌人

周語王語士季曰且唯夫戎翟則有體薦夫戎翟冒沒輕儻貪而不讓其血氣不治若禽獸焉其適來班貢不俟馨香嘉味故坐諸門外而使舌人體委與之韋注舌

人能達異方之志象胥之官也

工師

禮記月令季春之月命工師令百工審五庫之量金鐵皮革筋角齒羽箭幹脂膠丹漆毋或不良注工師司空之屬官也又孟冬之月命工師效功注工師工官之長也

匠師

周禮地官鄉師大喪及葬執纛以與匠師御匱而治役及窆執斧以泄匠師注匠師事官之屬其於司空若鄉師之於司徒也鄉師主役匠師主衆匠共主葬疏云地

周官參證

卷下

六

官之考稱鄉師春官之考稱肆師秋官之考稱士師唯有天官之考稱宰夫夏官之考稱軍司馬自外皆稱師此經鄉師是司徒考明匠師亦是司空考

工人士

儀禮大射儀工人士與梓人升自北階兩楹之間疏數容弓若丹若墨度尺而午射正蒞之注工人士梓人皆司空之屬能正方圍者疏云冬官雖亡不知官屬之號見今考工記三十官有梓人此工人士又與梓人同事故知屬司空也

陶正

